



Progjet promovût di 'Il Friuli' e 'ARLeF'

LIS AVENTURIS DI VIGJI

CJÂR DIARI,

biadelore che al è rivât l'Autun: no rivavi plui a sopuartâ il cjaldon dal Istât! O ai patît pardabon cul gno pêl **fof** tant che une pelice. E sî che e jere cussì contente la mê parone! Ogni dì cu la muse di ridi, jê, plene di morbin e di voie di stâ sot dal soreli. Jo no ve, che no jeri content: no podevi parâmi e, dutis lis voltis che il termometri al lave sù di grâts, mi sintivi tant strac e flap. No ai mai savût ce lavôr che e fâs Daria ma, viodût che e je stade a cjase par dut l'Istât, salacor e sarà une


FOF
PLASEVUL DI TOCJÂ,
VILUDIN. TANT CHE
UNE CUVIERTE,
UN ÇUF DI PANE
SÛL GJELÂT
O... IL PÊL
DI VIGJI!

mestre. Biel vêle ogni dì dongje di me, e bielnonon jessi figotât di matine fin sere, ma ogni tant no je fasevi plui: no mi lassave un moment in pâs! Po ben, Istât passât e finît ancje par chest an! Cumò no mi reste che spietâ cuant che si impiarà la stue. Intant, par fortune, a son tacadis lis scuelis, cussì ogni tant o rivi ancje a jessi lassât un pôc in pâs...
Si viodin in curt.
Ti saludi,
Vigji

> Tant par ridi

Savêso cuâl che al è il colm par un arbul?

Discretâsi in Autun e no in Istât.



IL CJANTON DE MUSICHE

AL È RIVÂT L'AUTUN

Al tache ai vincjeun dal mès di Setembar, al dure fin ae fin dal mès di Dicembar. Si scurtin lis zornadis, lis seris a son frescjis, a tornin ducj a scuele, i fruts e ancje i mestris.

Rit. L'Istât al svole vie come une pavee, o cjali la taviele, une vere maravee.

Rivât al è l'Autun clamât ancje Sierade, cjalait la Furlaniè, cussì ben piturade!



Piçule cerce de cjançon "Al è rivât l'Autun" O podès scoltâ dute la cjançon te prime pontade de tierce stagion di Maman!

(Praulis di Daria Miani; musiche di Flaviano Miani)

LU SAVEVISO CHE...?

■ "Lis sioris" par furlan no son dome "lis feminis", ma ancje chel spettacul sclopetant che a son... i pop corn. Gnam!



ZÛCS

Daria, Chiara e Siôr Timp a son daûr a viodi un video cun dutis lis aventuris plui significativis di Maman! Cerle cul ros, ta cheste imagjin, LIS SIORIS. Cognossistu i SCARPETS? Cercliju cul vert!



Maman! Une gnove stagion cun tantis sorpresis! Us din apontament su



Vinars aes 5.45 sot sere

Pagjinis curadis di Daria Miani
Consulence linguistiche de ARLeF

ARLeF
AGENZIE
REGIONÂL
PE LENGHE
FURLANE